

■ erantzugu... ■



943 300 228



@ zuzendariari@jalgi.com

Iritsiko da gure artera EEBBetako tabakoaren aurkako uholdea?

■ **Ez dakit iritsiko den,** baina hobe ez iristea. Horrekin ez dut esan nahi erretzaileak ez direnekiko intolerantea naizenik. Ez, horrekin esan nahi dudana da EEBBen usaina daukan guztia txarra dela. Nire ustez, behintzat. Kontraesanez beteriko sistema bat da. Kanpora begira itxura bat ematen du, eta barru-

Ez dira argitaratuko izenik gabe iristen diren mezuak. Izen-abizenak eta telefono zenbakia eman beharko dira. Laburtu behar izanez gero, zuzendaritzak badu horretarako eskubidea.

ra begira beste bat. Kanpora begira era batean jokatzeko du, eta barrura begira beste batean. Esaterako, EEBBen kanpo eta barne politika oso ezberdinak dira. Eta beste mila adibide. **Irati Goikoetxea** (Barakaldo)

■ **Horixe, iritsiko da.** EEBBetatik guztia heltzen da hona. Haien marketinak izugarritzko indarra dauka, eta hori asko nabaritzen da. Levi's galtzen markarekin horixe gertatu zen, eta tabakoaren aur-

kako kanpainarekin ere horixe gertatuko da. Haiek izan ziren lehenengoak tabakoa promozionatzen, eta horretarako hainbat baliabide erabili zituzten. Orain, hainbat tokitan publizitate hori debekatu dute. Hemen laster hasiko gara. Beti haien atzetik gabiltza eta. **Joseba Argoitia** (Eibar)



galdeiozu...

Jose Elorrieta

ELA-KO IDAZKARIA NAGUSIA

Confebaskek esan berri duenez, 35 orduko lan asteak porrota ekarriko die EAEko enpresen %50i. Zer deritzozu?

Miriam Elizalde (Iruñea)

■ **HORI GEZUR HUTSA DA.** Betidanik esan izan dira horrelako gauzak ordutegia murriztea planteatu denean. Guk uste dugu lanaldiaren murrizketa enplegua sortzeko tresna egokia dela, eta sindikatu abertzaleok 35 orduko lan astearen aldeko apustu garbia egin dugu. Maiatzaren 21ean errebindikazio horrekin bat datorrela adieraziko du langileriaren gehiengo zabalak.

Maiatzaren 11tik aurrera

Emilio Lopez Adan, 'Beltza' (IDAZLEA izango da

Galdeiozu ataleko gonbidatua. Bidali zure galderak ordurako.



zuzendariari

**Gudarien etorbidea, z/g 20140 Andoain**

OHARRA: Ahalik eta iritzi gehienek izan dezaten tokia, ez da komeni makinazko 15 le-
rro baino luzeago idaztea gutun hauetan. Idatzi duenaren izena, telefonoa, helbidea eta
NAREN zenbakia agertu beharko dira. Laburtu behar izanez gero, zuzendaritzak bere
esku du horretarako eskubidea. Erdaraz iristen diren gutunak ez dira argitaratuko.

Nora doa CCOO?

«LABek eta ELAk politika gehiegi egiten dute», dio Bengoa jaunak. Eta CCOOko afiliatuen ahots kritikorik ez dut entzun. Zer gertatzen da: guztiak ados ala pentsamendu bakarra edo adierazpen askatasunik ez? CCOO ez zen, bada, sindikatu soziopolitikoa? Eta Ezker Abertzalearen aurka, Estatuarekin batera, bultzatu dituzuen protesta eta lanuzteak zer izan dira? *apolitikoak*? neutroak? sindikalak?

NATOren erasoen aurka eta Kosovoren autodeterminazio eskubidearen alde egindako adierazpenak ere ez ote dira politika? Urrun dagoelako ote?

Francoren, frankisten, eskumaren, elizaren, egoera politikoarekin eta gizartean nagusi diren ideiekin gustura aurkitzen direnen betiko hipokrisia eta mezua: «Utz ezazue politika politikoentzat!»

PPk, PSOE, UPNk, Estatuak,

Armadak, konstituzioak Hego Euskal Herriarekiko garatzen ari diren politikaren ados ote dago Bengoa jaunak?

Formakuntza, Gizarte Soldata, enpleguaren aldeko eta baztertzearen aurkako neurriak, inguru ekologikoa sustatuz euskal sektore publiko sendo eta dinamikoa garatzeko ez ote dugu behar-beharrezkoa ahalmen politiko handiagoa, euskal esparru sozioekonomikoa, Euskal Herriaren hitza errespetatzea, geure buruaren eta ondasunen jabe izatea?

Zergatik ez duzue egiten UGT, IU eta PSOEekin batera, estatu guztian, hilaren 21eko greba orokorrerako deialdia? Estatuak Euskal Herriaren hitza errespetatzea ezaldea ere sar dezakezue errebindikazioen artean. Horrela, nazio desberdinetan-

ko langileen arteko benetako elkartasuna lantzen, hitzetatik ekintzatarantz urratsak eginez. Gezurrik, oportunismorik, demagogiarik, hipokrisiarik ez, arren. **Joze Goikoe-
txea** • BARAKALDO (BIZKAIA)

Euskalduna eta espainiarra

Astehenean entzun nion Maite Pagazartunduari, kultura bietan eroso dagoela, biak bere sentitzen dituela. Estatu ideala, ideia polita, baina aukera erreala edo sasintelektualen beste asmakizun zerutiar bat? Ezerekin hasi baino lehen, aipatu hoberik badela: euskalduna eta ingelesa. Behin beste kultura bat bereganatzeko eginahalak egitekotan, hartu unibertsalena.

Zoritzarrez, gizaki arruntok kulturabakardunak baino ezin gaitzeko izan. Gaur eta hemengo bikoiztasuna, diglosia egoera baten isla baino ez da, behin-behineko estatusa. Madrilen kulturabakarrak dira, Parisen eta Suitzan ere bai. Nik dakidala, ez dago mundu honetan kultur/hizkuntza bitan batera murgilduta bizi den gizarterik. Inon eta inoiz ez da egon Maitek proposatzen duzuen gizarte ele/kulturbidunik.

Bestalde, kultur espainiarra aipatzen duzunean ere, zehaztaperaz arazoak daude. Maitek bota zuen adibidea (Camarón) gaztelarazko kulturaren inguruko zen. Egokiago izango zen, bere ikuspuntu zabalean, gehitu izan balio gizatalde katalan edo galiziarren erreferentziarik. Beharbada ez zituen bota ez dituelako ezagutzen. Eta ez ditu ezagutzen Estatuak ez dituelako sustatzen. Horra hor Maitek berak ukatzen duen arazoaren isla argia. **Joseba Arrizabalaga** • BASAURI

• MONTXO •

